


# KOFTA IBUKIN TE KATAWANOU



*“Tera te bwai ae kamiimi ae ko a tia ni kanna?”*

**Iroun Katrina McPheters**  
(E boboto i aon te karaki ae koaua)

*E riki te karaki aei i Amerika.*

**E** tekateka Roy n te taibora ao ni kauka ana baeki ni katawanou. A bon tibwa mwaing Ana utu, ao aio bon ana moan bong n ana reirei ae boou. Tinana e karaoa mamaten nanona kanana ae te amwarake n Armenia, ae te kofta. E kukurei ngkai E nang kanna!

Roy e kabwaraa te beeba ae raneanea are e niiraki iai kanana te kofta. Titebo ma taraakin te meatball ae anaanau, ao n irariki. E tangiri boin taian rengarenga n amwara-ke ake a umwunaki inanon te irikomaiu. Ao

te bwangabwanga are i nuukana e karikia kanga taraakin te biira ae uarereke. E kanim-mwa n riana ao e ukia. Imwiina ao e tenaia. E kangkang!

“Eei,” e taku te ataeinimwaane are e teka-teka n iteran te taibora. “Tera te bwai ae kamiimi ae kanna?”

E namakinna Roy ae a baauraura tabana. “Bon au katawanou.”

“Eng, kanga e aki tikiraoi taraana.” E ngare te ataeinimwaane.

“E aki ataia Roy bwa tera ae na taekinna. E aki ataia ae bon akea temanna ikai ae e a tia ni kana te kofta. E aki tangiria ae a na taku n aia iango bwa e kamiimii! Ngaia are e

kanakoa ana katawanou ao e biri n otinako ibukin te motirawa teutana.

Imwiin te reirei, E kunea Tinana Roy bwa e tabe ni butii kanoan taian bwaoki.

“I aki kan manga uota riki te kofta nakon te reirei,” e taku Roy.

“Bukin tera?” E titiraki Tinana. “Anne mamaten nanom.”

E tuanganga Roy te bwai are e riki n te reirei. “E rangi ni kamaama!”

“I kabwarabure ngkai e riki anne,” e taku Mom. “Angiin te aomata ikai a bon tuai kaakana te kofta. Tera ngkana ti anganiia aia tai tabe-man ataei bwa a na kataia ni kang tabeua?”

“Bukin tera?” E titiraki Roy. “A na bon aki kan kanna.”

“Ma, ko aki kona n ataia ni karokoa are ko titiraki! I ataia bwa e bon kangaanga kakaea-kia raoraom aika a boou. Ma ngaira ni kabane bon natin te Atua. N tabetai ti bon riari ni kinaira riki ibon imarenara.”

E tabe n iangoia Roy. E aki tangiria bwa e na ngareakinaki. Ma e tangiria bwa e na anganiia riki aia tai ataei n tain te katawanou bwa aonga n ataia. Ao te kofta e bon rangi ni kangkang.

E katoua atuuna. “E RAOIROI. Ti a karaoi riki tabeua.”

N te bong are imwiina n tain te katawanou, e kakorakora n ikeike Roy. E tekateka

iaon tano irarikin te ataeinimwaane are e ngareakinna.

E kauka ana baeki ni katawanou Roy. “Iai mairoumi ae kan kataa tabeua amwaraken Armenia?”

Ataei ake tabeman a ikotaki ni katobibi ngkai Roy e kanakoa niniran te kofta.

“N na katai tabeua,” e taku te ataeinimwaane.

“Ngai naba,” e reitia te ataeinnaine. Roy e tabe ni kabuta te kofta bwa aonga ni bane ni kataia aomata ni kabane. Imwiina a bane n tenaia n noora kangkangina.

“E rangi n tikiraoi!” e taku te ataeinimwaane. “Tera arana?”

“Kofta,” e taku Roy.

“Eti raoi!” E moangare te ataeinimwaane. “Ngai John. Ko tangiria ni kan takakaro n tain te motirawa ae uarereke?”

E bon tii katoutoua atuuna Roy ma wiina ae onrake. E eti tinana—bon natin te Atua ngaiia ni kabane! Ao te ibuokanbwai e buokia ni karekeia raoraona imwiin akanne. ●

## KARAOA OIN AM KOFTA N TIBWAUAIA!!

Rengana **1 te bwauna (0.5 kg) te irikomaiu ke irikon te kao, 1 te anian** (koroko-reaki), **1/4 te mwangko te bulgur wheat ke te bread crumbs, 2 te cloves te garlic** (kamantintiaki), ao **1 teaspoon te cumin, ground coriander, paprika, cinnamon,** ao te **taoro**. Niirii rengarenga nakon taian kai ao karin taian noko te biti rinanoia n tatabeua. (Ngkana ko kabonganai kaai, kamarai n te ran inanon 30 te miniti.) Kamwaii n 350°F (180°C) inanon 20 te miniti ke ni karokoa are e mwai te irikomaiu.

